

Rammer for Vaksdal frivilligsentral – utkast.

Viktigheita av den frivillige innsatsen i samfunnet vert framheva i sentrale føringar og meldingar, og lokalt har samarbeid med frivillige ein viktig plass i Vaksdal kommune sine styringsdokument.

Vaksdal kommune har eit variert og aktivt kulturliv med om lag 70 lag og organisasjonar og med fleire store kulturarrangement. «Kultur for alle» er ei målsetning i Kommuneplanen sin samfunnsdel. Kulturlivet skal vera ein identitetsskapande og inkluderande arena for innbyggjarane. Viktigheita av å skapa møteplassar vert understreka. Dette gjeld møteplassar til leik og aktivitet, og møteplassar som inviterar til aktivitet og samhald for innbyggjarar og tilreisande.

Kommunedelplanar og temaplanar omtalar også betydninga av frivillig innsats, og har som mål eit godt og strukturert samarbeid med frivillige. I Kommunedelplan helse og omsorg er ein av hovudstrategiane å mobilisera og engasjera omsorgsressursar i samfunnet, og frivilligsentralen vert sett på som aktivt møtepunkt mellom kommunen og dei frivillige.

Frivilligsentralen vert ein sentral møteplass og eit viktig bindeledd i samarbeidet rundt frivillig innsats, og sentralen får ei sentral rolle i vidare utvikling av denne typen innsats og samarbeid.

Føremålet med Vaksdal frivilligsentral:

Å bidra til å styrka innbyggjarane si tilhøyrgheit og deltaking i eige nærmiljø. Sentralen skal ha fokus på gode møteplassar, folkehelse, friluftsliv og inkludering. Sosialt fellesskap og inkluderande nærmiljø står i fokus.

Frivilligsentralen skal vera:

- Ein møteplass som formidlar kontakt mellom menneske i lokalmiljøet
- Eit bindeledd mellom organisasjonar og enkeltpersonar som ønskjer å yta frivillig og ubetalt innsats i nærmiljøet/lokalsamfunnet
- Eit bindeledd mellom frivillige og dei som ønskjer å motta slik innsats

Frivilligsentralen skal:

- Støtta opp om og vidareutvikla det frivillige arbeidet i kommunen
- Stimulera til frivillig innsats og arbeid
- Rekruttera frivillige
- Hjelpa til med å tilretteleggja, igangsetja og markedsføra aktivitetar og frivillig engasjement

Sentralen skal vera eit supplement til offentlege oppgåver og etablert verksemd og aktivitetar, og skal ikkje konkurrera med desse.

Aktivitetar skal leggjast opp i tråd med lokale prioriteringar og behov og skal bidra til utvikling av sentralen.

Vaksdal frivilligsentral skal drivast i samsvar med gjeldande økonomiske rammer og tilgjengelege ressursar. Arbeidet skal forankrast i gjeldande planar og styringsdokument.

Dato: